

文昌帝君更生永命天尊

玉書曰敬稽天尊以庚戌年正月立文昌靜壇於吳迴家中  
先期已時親臨斗玄二壇頒經示懺至此復時親降靜壇厥  
後辛酉年始又時親降施錦家壇頒經示懺慈深願重故爲  
飛鸞開化之主

文昌永命天尊曰修道之要惟存一敬字在心真字在性清字  
在躬和字在氣即便日新其德日進於道人但知敬字之用在  
於對越之時而忽於幽獨之際所以內念不純漸肆回僻果能  
常存敬心則放心日收惡業自伏天賦我形卽付我性本無不  
真旣成我性卽成我命凡境緣之或順或逆俱從眞理中化現

道藏輯要

玉詮

卷

鬼集一  
八八上

眞命中安排不因用僞而或移不因存眞而加劇故人之捨卻  
天眞好存人僞者俱未了本性者也至於清之一字尤當研究  
卽如坐忘則天君泰然用慧則夢魂顛倒可以知心本好清跌  
坐則血脈流通奔馳則氣機騰沸可以知形本好清蔬水則齒  
頰流香酒肉則胸膈填穢可以知臟腑亦本好清居貧則布絮  
安然競爭則高車慮覆可以知一切事境亦本好清洵乎清靜  
經所云夫人神好清者是也庸士未研斯理故生倒識豈知清  
濁一分靜躁迥別清而靜者生之徒也濁而躁者死之徒也可  
不慎乎然而致清之秘妙在一和和者無過不及敬而能和則  
免於矜峻之患而開其自然之光眞而能和則免於滯著之害

而生其大明之輝清而能和則免於寂槁之容而養其純潔之體一和之用通貫三德譬之太極之中渾含至元三氣做此工夫不零不碎返躬具全方得修道之要願爾等致思焉

韓耀宗問性命之旨曰空將性命苦尋思若個行藏得所宜回也屢空斯善受參乎一唯是能持半窓明月窺無盡一榻清風樂有餘試問向平推順透何如守得性如如

天教至廣性命之理闡發無遺只要吾子靜將真訓細參便可一源洞達若言命則兼氣性則專理何以易書六十四卦全是氣機發現而物之正性卽具於中可見性亦兼氣又云性有氣質之性有義理之性分爲二者亦非也難道義理之性遂空空

道藏輯要

玉詮

空

鬼集一  
八上四

洞洞離了氣質而虛懸者乎後之儒者未通玄妙所以出此不了不當之說若本壇真訓性命合一此玉光之教旨也至星家所言之命是主後天氣數而言更屬一曲之學明道者所不語又問立命之旨曰子興氏所言立命者不過如太上所云全受全歸耳非袁學海所云積功求福之意所以端木貨殖孔子便以爲不受命蓋於人事中增了一分卽於天性上虧了一分是故不獨立命兩字廣大難知卽受命兩字亦精微不可易見人能解得受命之旨則無往而非道矣

兩間粹氣命爲人四德同時集此身若使一毫私欲蔽誕衷先盡與禽倫所以學道之人不須於命上做手脚只要保全了天

予之性卽已契合乎命故謂之受命可也謂之立命可也卽謂之造命可也復命可也總是聖真學問無二無雜不著推求不俟談論在乎默而識之不言而信方爲得旨子其誌之

道藏輯要

玉詮

卷

鬼集一  
十一

正一天師清微弟子洪百堅製作

道教學術資訊網站